

REGLUGERÐ RÁÐSINS (EB) nr. 1891/94
frá 27. júlí 1994
um breytingu á reglugerð (EBE) nr. 822/87 um sameiginlega
skipulagningu vínmarkaðarins(*)

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins, einkum 43. gr.,

með hliðsjón af tillögu framkvæmdastjórnarinnar ⁽¹⁾,

með hliðsjón af álitum Evrópuþingsins ⁽²⁾,

með hliðsjón af álitum efnahags- og félagsmálanefndarinnar ⁽³⁾,

og að teknu tilliti til eftirfarandi:

Samkvæmt 3. mgr. 17. gr. reglugerðar ráðsins (EBE) nr. 822/87 ⁽⁴⁾ er ákveðin afsýrunaraðferð aðeins leyfð til bráðabirgða. Til þess að unnt sé að taka endanlega ákvörðun um þessa aðferð skal halda viðteknum framleiðsluáðferðum a.m.k. til loka vínársins 1994/95.

Í 4. mgr. 46. gr. reglugerðar (EBE) nr. 822/87 er kveðið á um að herferðir til að ýta undir neyslu þrúgusafa séu einungis heimilar til vínársins 1993/94. Þær ætti að framlengja um eitt vínár svo að unnt sé að meta áhrif þeirra.

Núverandi aðstæður varðandi framboð á víni frá vínárinu 1993/94 leyfa að hluti af afurðum sem falla undir langtíma-samninga varðandi geymslu séu settar á markað. Ákveða ætti daginn sem afhenda á vín til skyldubundinnar eimingar.

Ákvæði 3. mgr. 18. gr., 2. mgr. 20. gr., 12. mgr. 39. gr. og 5. mgr. 65. gr. reglugerðar (EBE) nr. 822/87 kveða á um að á vínárinu 1993/94 skuli framkvæmdastjórnin leggja skýrslur fyrir ráðið um vinnræktarsvæði, auðgun, áhrif skipulagsráðstafana og hvernig þær tengjast skyldubundinni eimingu og hámarks magni brennisteinsdíoxíðs í víni og tillögur þar að lútandi. Í tengslum við undirbúningsvinnu við þessar skýrslur hefur þurft að skipuleggja rannsóknir sem fela í sér þátttöku óháðra sérfræðinga og er þeim enn ólokið.

Vandamálin sem hafa umtalsverð áhrif á þennan geira krefjast þess að mikið samræmi náist í þeim lausnum sem lagðar verða fram. Til þess að ná þessu samræmi verður að gera nauðsynlegar tillögur þegar öll gögn liggja fyrir og af þeim sökum ætti að færa tiltekin tímamörk aftur um eitt vínár.

(*) Þessi EB-gerð, sem birtist í Stjttíð. EB nr. L 197, 30. 7. 1994, bls. 42, var nefnd í ákvörðun sameiginlegu EES-nefndarinnar nr. 1/95 frá 27. janúar 1995 um breytingu á bókun 47 við EES-samninginn um afnám tæknilegra hindrana í viðskiptum með vín, sjá þessa útgáfu af EES-viðbæti við Stjórnartíðindi Evrópubandalagsins.

⁽¹⁾ Stjttíð. EB nr. C 83, 19. 3. 1994, bls. 50.

⁽²⁾ Stjttíð. EB nr. C 128, 9. 5. 1994.

⁽³⁾ Stjttíð. EB nr. C 148, 30. 5. 1994, bls. 29.

⁽⁴⁾ Stjttíð. EB nr. L 84, 27. 3. 1987, bls. 1. Eins og henni var síðast breytt með reglugerð (EBE) nr. 1566/93 (OJ nr. L 154, 25. 6. 1993, bls. 39).

SAMÞYKKT REGLUGERÐ ÞESSA:**1. gr.**

Eftirfarandi breytingar eru hér með gerðar á reglugerð (EBE) nr. 822/87:

1. Í stað „31. ágúst 1994“ í 3. mgr. 17. gr. komi „31. ágúst 1995“.

2. Í stað annarrar undirgreinar 3. mgr. 18. gr. komi eftirfarandi:

„Fyrir lok vínársins 1994/95 skal framkvæmdastjórnin leggja fyrir Evrópuþingið og ráðið skýrslu um afmörkun vinnræktarsvæða í bandalaginu. Ráðið skal, með þeim hætti sem mælt er fyrir um í 2. mgr. 43. gr. sáttmálans, taka ákvörðun um heildarafmörkun vinnræktarsvæða í bandalaginu og skulu þau ákvæði gilda frá vínárinu 1995/96.“

3. Í stað 2. mgr. 20. gr. komi eftirfarandi:

„2. Framkvæmdastjórnin skal leggja fyrir Evrópuþingið og ráðið skýrslu um niðurstöður rannsóknar sem kveðið er á um í 1. mgr. ásamt viðeigandi tillögum fyrir 1. september 1994. Ráðið skal, með þeim hætti sem mælt er fyrir um í 2. mgr. 43. gr. sáttmálans, ákveða á árinu 1995 hvaða ráðstafanir skuli gera hvað varðar aukinn náttúrulegan alkóhólsstyrkleika miðað við rúmmál í afurðum sem um getur í 1. mgr. 18. gr.“

4. Í stað síðustu undirgreinar 3. mgr. 32. gr. komi eftirfarandi:

„Þrátt fyrir fyrstu og aðra undirgrein geta framleiðendur sem hafa gert langtímasamninga fyrir vínárið 1993/94 farið fram á riftun samninga (að hámarki vegna 90% af því rúmmáli sem fellur undir samninginn). Í því tilviki skal greiða bætur fyrir þann tíma sem geymslan hefur verið notuð í raun.

Hins vegar taka framangreind tilmæli gildi 1. júlí 1994 ef um er að ræða vín sem eru afhent til skyldubundinnar eimingar sem um getur í 39. gr.“

5. Í 39. gr.:

- eftirfarandi komi í stað þriðju og fjórðu undirgreinar 3. mgr.:

„Til loka vínársins 1994/95:

- samræmt prósentuhlutfall skal vera 85, framkvæmd eimingaráætlunarinnar með þeim hætti sem mælt er fyrir um í 83. gr.“;
 - samfelldu viðmiðunarárin skulu vera 1981/82, 1982/83 og 1983/84. - eftirfarandi komi í stað 12. mgr.:
 „12. Framkvæmdastjórnin skal fyrir lok vínársins 1994/95 leggja fyrir Evrópuþingið og ráðið skýrslu sem fjallar einkum um áhrif skipulagsráðstafana á víngeirann og, ef við á, tillögur um að fella úr gildi eða setja ný ákvæði í stað ákvæða þessarar greinar sem er ætlað að halda jafnvægi á vínmarkaðinum.“
- Frá og með vínárinu 1995/96 skal framkvæmdastjórnin ákveða samræmt prósentuhlutfall og samfelld viðmiðunarár og skal hún ákveða:
- samræmt prósentuhlutfall á grundvelli þess magns sem verður að eima í samræmi við 2. mgr. til þess að komið sé í veg fyrir offramleiðslu þess árs,
 - samfelld viðmiðunarár á grundvelli framleiðsluþróunar og einkum áhrifa hreinsunarstefnunnar.
“;
- eftirfarandi komi í stað 10. mgr.:
- „10. Þrátt fyrir þessa grein, má krefjast skyldubundinnar eimingar í Grikklandi vegna vínáranna 1985/86 til 1994/95 í samræmi við sérákvæði að teknu tilliti til þeirra erfiðleika sem við er að etja í því landi einkum að því er varðar þekkingu á því hvað hver hektari gefur mikið af sér. Beita skal þessum ákvæðum með þeim hætti sem mælt er fyrir um í 83. gr.“;
- eftirfarandi komi í stað fyrstu undirgreinar í 11. mgr.:
- „11. Ef upp koma erfiðleikar á vínárunum 1987/88 til 1994/95 sem teflt gætu eðlilegri framkvæmd skyldubundinnar eimingar sem um getur í 1. mgr. í hættu, skal gera nauðsynlegar ráðstafanir til að tryggja
6. Eftirfarandi komi í stað 4. mgr. 46. gr.:
- „4. Á vínárunum 1985/86 til 1994/95 skal nota hluta styrks, sem ákveðinn verður síðar, í fyrsta undirlið 1. mgr. til skipulagningar átaks til að ýta undir neyslu þrúgusafa. Ákveða má hærri styrk en beiting 3. mgr. gefur tilefni til ef hann eru notaður til skipulagningar átaks af þessu tagi.“
7. Eftirfarandi komi í stað 5. mgr. 65. gr.:
- „5. Framkvæmdastjórnin skal, í ljósi fenginnar reynslu, leggja fyrir Evrópuþingið og ráðið fyrir 1. apríl 1995 skýrslu um hámarks magn brennisteinsdíoxíðs í víni ásamt tillögum, eftir því sem við á, og skal ráðið taka ákvörðun um þær með þeim hætti sem mælt er fyrir um í 2. mgr. 43. gr. sáttmálans fyrir 1. september 1995.“
- 2. gr.**
- Reglugerð þessi öðlast gildi þann dag sem hún birtist í Stjórnartíðindum Evrópubandalagsins.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Lúxemborg 27. júlí 1994.

Fyrir hönd ráðsins,

Th. WAIGEL

forseti.